


BUCHI COFFY: NOMBER CU LO NO WORDE LUBIDA



Ayera tur hende por a lesa di e desgracia di transito, caminda e conocido ciudadano Buchi Coffy a perde su bida. Eulogio "Buchi" Coffy tabata un di e gran deportistanan cu nos isla a conoce, principalmente riba tereno di ciclismo. Na fin di añanan 50 y prome añanan di decada 60, Buchi, Pio, y Cristobal Coffy tabata e ciclistanan idolonan di Aruba y cu fama no solamente na Aruba, pero tambe na Corsow, y diferente pais den e region aki. E rumannan Coffy tabata e orguyonan di Aruba riba tereno di ciclismo, principalmente den e olimpiada anual di Lago den Lago Sport Park. Buchi, Pio y Cristobal

tabata tene e tribunanan yen y e publico pega na wayanan di Lago Sport Park den emocion henter anochi den nan caredanan.

Nan a domina competencianan di ciclismo contra ciclistanan grandi cu a bini di varios pais den nos region, especialmente e idolo di Trinidad Ron(ald) Cassidy y e chine trinitario Chin A Loi, y Sam Langford y pa Aruba e rumannan Coffy y Sandy Illidge..

Cada careda di e rumannan Coffy contra Cassidy, Chin A Loy y otro nan di exterior tabata un suspenso pa publico y e gritonan tabata bay laira ora cu cualquier di e rumannan mester gana y kibra recordnan Arubano,

Antiyano, di Caribe.

Hunto cu Victor Curlingford, e rumannan Sweatnam, "great" Sandy Illidge, e rumannan Coffy tabata trece alegria pa fanaticonan den tribunanan, y tur tabata ademá idolonan.

Mas despues a uni na nan, Gilbert Antonette y tambe Stanley Legraaf cu a bira mas bien e asina yama disipulonan di e veteranonan y cu tambe a imponi nan nomber den e deporte aki.

Te cu awe, mundo di deporte no por keda sin menciona e rumannan Coffy, Cassidy cu a bira piloto di ALM y keda residencia na Antiyas, Chin A Loi, rumannan Sweatnam ni Gilbert Antonette, entre otro, ora ta trata di

deporte en general y di ciclismo en particular.

(E portret di 1961 durante olimpiada di Lago Sport Park, ta ilustra e rumannan Coffy mey mey, Chin A Loi y na man drechi Ron Cassidy na salida di un di e caredanan.)

Despues di e era di e ciclistanan aki, nunca mas Aruba a haya un ciclista pa por tuma lugar di ningun di nan, ni den popularidad.

Un Pio Coffy, idolo mas grandi di ciclismo cu Aruba a conoce, un Buchi, y un Cristobal, ta ciclistanan lo ta dificil pa wordo iguala awendia.

Ciclistanan cu a trece masha alegria pa grandi y chiquito, pa fanaticonan y no fanaticonan di ciclismo, pa homber y muher. Nombenan cu

henter Aruba tabata conoce y tabata menciona den un rosea. Ciclistanan cu a haya nan involvi den desgracia di pista, pero pa nan publico tabata lanta cu tur lesion cu nan tin na culpa y trata na termina competencia, prome cu nan pensa mes riba tratamiento medico. Aruba a perde Buchi Coffy tragicamente, pero su familianan ta keda cu e consuelo cu su nomber lo keda menciona pa decadanan, pasobra lo cual Buchi y su rumannan tabata pa deporte na Aruba, principalmente pa deporte di ciclismo, ta algo cu ningun hende cu conoce nan lo lubida durante nan bida.

Cu Buchi sosega na paz.

Juby

E MIHOR AUTONAN SEGUNDA MANO NA E MIHOR PREIS

New Super Special Racer Gti. 5 Speed



AFLS. 29.750,-

Color: White

Garage Centraal Aruba N.V.

Sabana Blanco 2/N Tel: 826262 Fax: 823149 Diasabra habri te cu 2'or l

PROFAR'S EDUCATION INSTITUTE

workshop di 4 dia

"TEKSTVERKLARING"

PA HAVO 3-4 HAVO 3-4-5 VWO 3-4-5-6

B'A FADA CU BO CIFRANAN DI "TEKST"? WELL, AKI TA BO CHENS PA MEHORA BO MES. YAMA NOS NA NUMBER DI TELEFON 827920 ENTRE 10-12 OR DI MAINTA, OF ENTRE 6-8 OR DI ANOCHI PA INSCRIPCION.

TOPICONAN CU ENTRE OTRO LO WORDE TRATA:

- * E MIHO MANERA PA LESA Y SPLICA UN TEKST
- * TECNICANAN SPECIAL PA TUR SORTO DI PREGUNTANAN
- * COMPRONDE PREGUNTANAN HOPI MAS LIHER
- * STRATEGIANAN ORA BO NO SA KICO MESTER HACI
- * HOPI PRACTICA

FECHA: DIABIERNA 6 DI MAART 3 - 5 PM
DIASABRA 7 DI MAART 10 AM - 1 PM
DIABIERNA 13 DI MAART 3 - 5 PM
DIASABRA 14 DI MAART 10 AM - 1 PM

PRIJS: FL. 275,-

NO PERDE E OPORTUNIDAD AKI, Y PARTICIPA



is seeking

MARKETING REPRESENTATIVES

Lots of inventory and money to be made
Come and join the best team
and make your dream come true

Are you Dynamic and Energetic, like to work with Tourist, A team person, speak English & Spanish.

The Company will provide Experience training, medical benefits, income guarantee, working materials, attractive commissions.

CALL US TODAY 826550 AND ASK FOR ROXANNE